

آبونه اولمق ایستیلر دأثره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمات

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون بوسته احریتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور . محتویاتی امور عدلیه متعلقدر

تَبْلِیْغَات

انجمن عدلیه دن تنظیم واعطا قتلان مذکره در :

شبه قضای نفوس مأموری قدری امضایله
کشیده اولوب انجمن عدلیه به محول ۱۱ تشرین اول
سنه ۳۲۰ تاریخی واعلامات نظامیه اجرا دأثره سندن
درکنارلی تلغرافنامه مطالعه اولندی .

مالی اوقاف هایون خزینه جلیله سی وکیلی جانبندن
علیهنده استحصال اولنان اعلامک معامله تبلیغیه سی
ایضا اولنقمسزین املاکنک حجز وفروختی وررع
معاشنک توقیفی صورتلریله تنفیذ ایدلمکده اولدیغندن
شکایتی حاوی بولنش ودأثره اجرانک درکنارنده
دخی مستدعی قدری افندینک محلول خانه اتمانندن
دولای خزینه مشارالیه لزوم تسویه سی شورای
دولت تمیز محکمه سنک اعلامیه محکوم اولان وایراً
مالیه خزینه جلیله سی طرفندن اوقاف هایون وزنه سنه
اعطا قتلان اون اوچ بیک بش یوز غروشک استیفای
ضمننده مومی الیهک پاشا لیمانی جاده سنده کأن نصف
عرصه سنک حجز وفروختیه برابر معاشی ربغنک
توقیفی قرار آلتیه الدینی وبوقیل اعلامانک تبلیغه
مساغ قانونی اولمدینی کوسرلمشدر .

دأثره اجرادن جلب الیه مطالعه اولنان سالف
الذکر اعلام مندرجان محلول خانه اتمان اولمق اووره
صندوق امینلکننده بولنش اولان مومی الیه قدری
افندینک اتنای مأموریتنده تودیع اولنوب سرقت
ایدلیدیکی بیانیه دأثره عأنده سنه تسلیم ایتدیکی اکلا-
شیلان مبالغ مزبورنک تخصیصی حکمی متضمن
اولسنه وبوکی مقررات جزائیه نک معامله تبلیغه دن
مستقی بولنسنه نظراً اجرایه دوام اولنقی اقتضا
ایده چکنک جواباً ریاست اولایه ازباری تذکر قلندی .

محاکمات مقدمات

محکمه تمیزاستدما دأثره سندن تنظیم واعطا
قتلان اعلامدر :

انقره فرقه عسکرسی نامنه فریق سعادتلو محمد
پاشا حضرتلری الیه بیلرنده متکون دعوایه دأثره انقره
ولایتی مرکز بدایت محکمه سی حقوق دأثره سندن
ویریلان ۲۵ تشرین ثانی سنه ۳۱۸ تاریخی
اعلامک تمیزی مستدعی انقره قصبه سنک قولیجه
مجلسه سنده ساکن استانبوللی اوغلی حافظ فتح اه
افندینک وردیکی عرضحال ومتفرعاتی تعلق دعوی
حسبیه باتش مدعی عمومیک مأموریت بهیه سنک
مطالعه نامه سیله برلشدیریله رک محکمه تمیز استدما
دأثره سنده لدی التذقی مدت وشروط قانونیه سنه
موافق واعلام مذکور مرورزمانه متعلق اولمغله
عرضحال مزبور بالقبول تدقیقات تمیزیه اجراسنه
ابتدار قلندی .

اعلام مذکورک خلاصه مالی مومی الیه حافظ
فتح اه افندی محکمه مذکوریه بالمراجعه انقره
قصبه سی اهالی سندن ذکائی افندینک بیک ایکویوز
اللی درت تاریخنده تحت تصرفه کچهرک مومی الیهک
وقوعوقایله مخدومی اکاه منلایه واکاه منلانک دخی
بلا ولد وقایله همشیره سی صاطعیه ومزبورنک
دخی بلا ولد وقوعوقایله حسب الزوجیه ارنأ
کندوسنه انتقال ایدن صارمیه وقفه مشروط
ومربوط معلوم الحدود اللی بش دوئم مقداری ترلا
کویا انقره قصبه سی جوارنده کی قشله هایونک تعلیم
خانه سی دینلهرک انقره فرقه عسکرسی طرفندن
ضبط ومداخله اولنمقد ایدوکنندن بحثله مداخله
واقعه نک منعی طلب ودعوی ایتسنه قارشو محل
منازع فیه قشله نامنه ذی الید اولدینی بالینه ثابت
اولان ردیف قوماندانی سعادتلو محمدپاشا حضرتلری
وکیلی دخی مدعابه اراضینک قشله هایونک تعلیم
خانه سی اولوب قشله نک بدایت تاریخ انشاسی اولان

بیک ایکویوز اللی ایکی تاریخنندن برو بلا نزاع تصرف
ایدیه کلکده اولدینی جهته مدعینک دعواسنده
مرورزمان بولندیغندن عدم استماعی لازم کله چکنی
مدافعه بیان وانبا ایتسنه جواباً مدعی وکیلی دخی
محل منازع فیه موکلنک مورثه سندن موکلنه وانک
مورثندن دخی مورثه سنه متسلسلاً انتقال ایتک
صورتیه بیک ایکویوز اللی درت تاریخنندن برو بلا
نزاع تصرف وزراعت ایدلمکده اولمق حسبیه موکلی
محل مذکوره مرورزمانه متصرف اولدینی درمیان
ایتمی وانکار واقعه مقارن هر ایکی طرفدن اقامه
اولنان شهود استماع قلنمسی اوزرینه اولباده جریان
ایدن محاکمه ومذاکره نتیجه سنده هر ایکی طرف
تصرف ادعاسنده مرورزمانه استناد ایتش اولمیرینه
ومدعی جانبندن اقامه ایدیلان شاهدلرک شهادتی
یکدیگره وقبلاً مدعینک دعواسنه مخالف وشهرت
شایعه بی غیر مفید اولدینی کبی شهرت شایعه
هانکی طرفده ایسه او طرفک بینه سنک مرجح
اوله جنی احکام قانونیه دن بولنسنه ومدعی علیه
طرفی ایسه مرورزمان ادعاسنی شهرت شایعه افاده
ایدر صورتده اثبات ایتش ایدوکننه مبنی اراضی
قانوننامه هایونک یکرمی ماده سی موجبجه دعواسی
شایان استماع اولمیان مدعی مومی الیهک ادعا
واستداسنک ردیه مدعی علیه مشار الیه قارشو
معارضه سنک منعه قرار ویرلدیکندن ومستدعی
تمیز حافظ فتح اه افندینک اشبو قرارعلیه لایحه سنده
مندرج اعتراضاتک خلاصه سی دخی مدعابه اولان
اراضی بی اوتهدنبرو متسلسلاً وبلا نزاع تصرف
وزراعت ایدلیکی دعواسنه قارشو قشله نک تملک ادعاسی
مرورزمان حسبیه شایان استماع اولمدینی ومرورزمان
ادعاسنک دخی اقامه ایدلیکی شهودک شهادتیه مثبت
واراضینک صورت تصرفی احساس ایتدیرن امر
زراعت سائر درلو تصرفه مرجح بولندیی حالده
محکمه مذکورجه جهات مشروحه نظردقه التمه رق
برمنوال محرر قرار ویرلسی مغایر قانون ایدوکنندن
بحثله اعلام مذکورک نقضی ومدعی علیه پاشای

مشار الیه جانبدن و بریلان لایحه ده محرر فذلکه
اجوبه ده اعلام مزبورک موافق اصول و قانون
ایدوکی بیانیله اعلام مزبورک تصدیق استدعاسندن
ومطالعه نامه نك مفادیده محکمه جه اجرا قلان تدقیقات
نتیجه سنده محل منازع فیه قشله هاپونك تعلیم محل
اولدینی اصولاً تبیین وتحقق ایتش اولسنه مبنی لایحه
تمیزیه ده درمیان اولنان اعتراضاتك قانوناً شایان
قبول کوریه مدیکی بیاندن عبارت بولنشدر .

ایجابی لدی المذاکره مندرجات اعلامدن منقهم
اولدینی وجهه مدعی حافظ فتحاه افندی محل
منازع فیه صاریه وفقی مربوطاندن و اوقاف
مهیجدهن بولندینی بیان وادعا وبونی مثبت اولمق
اوزره متولیری طرفندن تصرفی ناطق و بریلان
سندانی ابراز واعطا ایتش ودیکر طرفدن دخی
محل مذکورک اراضی امیریهن ایدوکی سردو ابراد
ایدلش اولدینی وطرفنك شو ادا وافادانك
وظیفه تعلقندن ناشی تدقیق وتحقیق اصولاً مقتضی
بولندینی حالد بوباده برقرار و برلکسزین ذات
دعوانك محاکمه کوریشلمش اولمی وعندالمواجهه
مومی الیه فتحاه افندیك درمیان ایدلکی مرورزمان
مسئله سنده کی سلسله تصرفی اثبات ایچون اقامه
اولنان شهود طرفندن مومی الیهك محل مذکور
بالآخره اقره طابور اغاسی متوفی حافظ اغایه فراغ
ایدلکی بیان اولنش وشو حاله کوره مومی الیهك
حق خصوصتی قالمش ایکن شوجهت مهمه نك دخی
نظر دقت واعتنایه التامی بولسز و اصول ونظامه
مفسر اوله رق بوده نقض حکمی مستلزم اسباب
قانونیهن اولدیفندن اصول محاکمات حقوقیه قانوننك
ایکیوز اوتوز ایکنجی ماده سی حکمه توفیقاً اسباب
محرره دن طولانی اعلام میزهك قضیه صور محرره
واحکام قانونیه داتر سنده یکدن بالقدیق حکم
واعلامه ربطی ضمنده کیفیتك محکمه مذکوره
اعاده سنه و اوجیسوز قرق درت غروش اون یاره
مصارف تمیزیه نك بالآخره حقیق جیه جق طرفه
راجع اولمق اوزره اول امرده مستدعی تمیز حافظ
فتحاه افندیك النسخه ۲۷ ایلول سنه ۱۲۹۹ تاریخده
متفقاً قرار ویرلدی .

کرد محمد اوغلی قتل ایدلکی ادا اولنسنندن
دولای جنبایله اتهام اولنان یوسف بن صالح اون
بش سنه مدته کورک قولنسن داتر بولی سنجانجی
بدایت محکمه سی جزا داتر سندن و بریلان ۲۵۰
نومرولی اعلام
قولایشینی آدم بن احمدی قتل ایدن الماس بن

امینك اثباتی محاکمه سنده یلان یره شهادت ایدلکی ادا
اولنسنندن دولای جنبایله اتهام اولنان فضلنك اوج
سنه مدته کورک قولنسن داتر سنجانجی بدایت
محکمه سی جزا داتر سندن ایکنجی دفعه اوله رق
و بریلان ۱۳۳ نومرولی اعلام

خواصور ناحیه نك کلکسان قریه سی اهالیسندن
تاج الدین اوغلی جهانگیری قتل ایدلکی ادا اولنسنندن
دولای جنبایله اتهام اولنان حسن اوغلی محمد واسماعیلک
اون بشر سنه مدته کورک قولنلریه داتر وان
ولایتی استیناف محکمه سی جزا داتر سندن و بریلان
۱۳ نومرولی اعلام

نوره قوب قضانك ابلاخه قریه سندن ابراهیم
بن رستمك کیفیت قتلندن دولای جنبایله اتهام
اولنان قریه مذکورلی محمد بن حامدك اون بش
سنه مدته کورک قولنسن داتر سیروز سنجانجی بدایت
محکمه سی جزا داتر سندن و بریلان ۲۸ نومرولی
اعلام

اشقبادن جبل ذیمو ورفاسنه یتاقلق ایتدکری
ادا اولنسنندن دولای جنبایله اتهام اولنان یانوو یورکی
وطومه و اناستاشی و فوطو و وانکک اوچر سنه مدته کورک
قولنلریه داتر پروزه سنجانجی بدایت محکمه سی
جزا داتر سندن و بریلان ۲۴۵ نومرولی اعلام

یمانلی اوغلی یورکی به اوکرند آهرق کوزیه
اصابتله وفاته سییت و یرمسنندن دولای جنبایله اتهام
اولنان یترو ولد یتایوطک بش سنه مدته کورک
قولنسن داتر ادرنه ولایتی استیناف محکمه سی جزا
داتر سندن و بریلان ۳۳۷ نومرولی اعلام

عورتحصاری قضانك بوراش قریه سندن یرام
بن صالحه قتل قصدیه سلاح انداخت ایدلکری ادا
اولنسنندن دولای جنبایله اتهام اولنان جال ورفقی
مصطفانك اوچر سنه مدته کورک قولنلریه داتر
سلاسلک ولایتی استیناف محکمه سی جزا داتر سندن
و بریلان ۲۶۸ نومرولی اعلام

بیراقلی جمه قریه سندن خدیجه بنت تیمورک
کیفیت قتلندن دولای جنبایله اتهام اولنان زوجی
مصطفی بن سلیمانک اون بش سنه مدته کورک قولنسن
داتر سیروز سنجانجی بدایت محکمه سی جزا داتر سندن
و بریلان ۳۰۴ نومرولی اعلام

حال لیاو عسری قتل ایدلکی ادا اولنسنندن
دولای جنبایله اتهام اولنان قایچی لیاچی ولد یاقونک
اون بش سنه مدته کورک قولنسن داتر سلاسلک
ولایتی استیناف محکمه سی جزا داتر سندن ایکنجی
دفعه اوله رق و بریلان ۱۸۳ نومرولی اعلام
کور محمدی قتل قصدیه جرح ایدلکی ادا

اولنسنندن دولای جنبایله اتهام اولنان یققی اوغلی
حسینك اوج سنه مدته کورک قولنسن داتر درامه
سنجانجی بدایت محکمه سی جزا داتر سندن و بریلان
۳۴۴ نومرولی اعلام محکمه تمیز جزا داتر سنجه
تصدیق قلنشدر .

پولیس یوسف عزت افندیك ژاندارمه مصطفای
ضرب ایدلکی ثابت اوله مدیفندن برانته
ایساق وخانیک یازمچی نسیم افندیك جاملری
شکست ایتدکری ثابت اوله مدیفندن برانتریه
آورامک نسیم الیه قریه نك انچه سنی دولا

تدیردینی ثابت اوله مدیفندن برانته
اوستریا دولتی تبعه سندن استباط پارسلک لباس
افندی به حقارت ایدلکی ثابت اوله مدیفندن برانته
حسنک محمد و طورسونک اشپاسی سمرت ایدلکی
اصولاً ثابت اوله مدیفندن برانته

بلغورلی قریه سنده ساکن خلیلک یعقوبک یکینسی
سمرت ایدلکی ثابت اوله مدیفندن برانته
کاظمک مناهی ضرب و اموال منقوله سنه ابراث
خسار ایدلکی ثابت اوله مدیفندن برانته

بکریکنده ساکن علی و مصطفانك دیمترینک
باغچی دیواری هدم ایتدکری ثابت اولدیفندن
بر هفته حبسلریه

بلغورلیده ساکن ابراهیم وکامک یکدیگری
ضرب ایدلکری و حق دخولری اولدینی حاله نیل
بکک کوشکنه کیردکری ثابت اولدیفندن اون بشر
کون حبسلریه

صادق حسین افندیك اشپاسی سمرت ایدلکی
ثابت اولدیفندن اوج آی حبسنه و ختام مدت
جزای سنده ضابطه جه کفالته ربطه

اسکدارده یکی عهده ساکن واسیل ویانی
وبانده نیک خلاف تنبیه بیاقو کشیده ایدلکری ثابت
اولدیفندن ایکشر بشلک جزای نقدی اخذیه

بجاق طاشیمق صورتیه تنبیهات مخالف ایدلکی
ثابت اولان محمد ابراهیمک ایک بشلک جزای نقدی
آلنسنه

پاولی و قهوه چی ابراهیمک یکدیگری ضرب
ایدلکری ثابت اولدیفندن بر هفته حبسلریه

صادق افندی الیه عبده افانك فری کوی
ساکنلرندن آرابه چی غان الیه بانده نیک پاره لری
طسولاندرمش اولدق قری اصولاً ثابت اولدیفندن
اوچر آی حبسلریه

اورته کوی ساکنلرندن ابراهیمک علی نام جوچی
ضرب ایدلکی ثابت اولدیفندن ایک لیرا الهرق مضروب
اعطاسنه

فارلی مرانغوز یاسقالک فاطمه مقبوله خانمی
ضرب ایدن آسوده قادینه مساوت ایدلکی ثابت
اولدیفندن ایک آی حبسنه و کندوسندن ایک التون
الهرق مشکی به اعطاسنه

سلیمانک عثمان بکک آخوردن برآس بارگیری
سمرت ایدلکی ثابت اولدیفندن بر آی حبسنه

اسکدارده خیرالدین چاوش عهده سنده ساکنه
رقیه قادینک خدیجه و نفیسه و فاطمه قادینلره اطاله
لسان ایدلکی ثابت اولدیفندن اوج کون حبسنه

ارن کوبنده ساکن مصطفانك محمودی ضرب
ایدلکی ثابت اولدیفندن اوج کون حبسنه

بکریکنده ساکن دیمترینک قدری بکک باغندن
آغاچ قطع ایدلکی ثابت اولدیفندن اون کون حبسنه
قاضی قریه سنده ساکنه شوشانک کللی قادی

ضرب ایدلکی ثابت اولدیفندن بر هفته حبسنه
محمدک حلیمه بنت محمدی ضرب و جرح ایدلکی
ثابت اولدیفندن بر هفته حبسنه

قهوه چی محمد چاوش الیه بکچی رمضانک یکدیگری
ضرب و جرح ایتدکری ثابت اولدیفندن بر هفته
حبسلریه

علی افانك پولیس شوکت افندی به اطاله لسان
ایتدکی ثابت اولدیفندن یارم لیرا جزای نقدی اخذیه
محمد بن ابراهیمک بجاق طاشیمق صورتیه
خلاف تنبیه حرکتیه بولندینی ثابت اولدیفندن ایک
بشلک جزای نقدی اخذیه

صلاح الدین افندیك شوکت افندی ضرب
ایدلکی ثابت اولدیفندن بر هفته حبسنه

پاولی الیه قهوه چی ابراهیمک یکدیگری ضرب
ایتدکری اکلانشیلدیفندن بر هفته حبسلریه

طاهر افندیك پولیس شوکت افندی به اجرای
وظیفه حالده اطاله لسان ایدلکی ثابت اولدیفندن
اون بش کون حبسنه

اسکدارده ساکن مظهر افندیك برهان افندی
ضرب ایدلکی ثابت اولدیفندن اون بش کون حبسنه
وهینک یودانی ضرب ایدلکی ثابت اولدیفندن
بر هفته حبسنه

کیوردک جوانی ضرب و جرح ایدلکی ثابت
اولدیفندن اون بش کون حبسنه و کندوسندن برلیرا
الهرق مضروب اعطاسنه

خدیجه قادینک جلبله خانمی ضرب و جرح ایدلکی
ثابت اولدیفندن اون کون حبسنه

قاضی قریه سنده ساکن اوخانک مال مسروق
بیلدرک آلدینی ثابت اولدیفندن اوج آی حبسنه
اسکدارده ساکن امینک محمد رجائی افندی به

حقارت ایدلکی ثابت اولدیفندن برلیرا جزای نقدی
اخذیه

عارفک توتون قاچردینی ثابت اولسنه محکومیت
سابقه سنی مرقومدن دتیزوز قرق غروشک محصله
فری کوبنده ساکن استاوری الیه آرابه چی
اوده سیا و یاقونک اولغه قادینک چوچقاری ضرب
ایتدکری ثابت اولدیفندن بر لیرا الهرق مضروب لره
وبرلسنه

بشکطاشده ساکن شرکت خیره مأمورلرندن
امین افندیك خلاف تنبیه اوزرنده سلاح طاشیدینی
ثابت اولدیفندن بش بشلک جزای نقدی اخذیه
قله قوسنده ساکن لئونیدینک اولنجی یاسفک
بالطوسی سمرت ایدلکی اقراریه ثابت اولدیفندن اوج
آی حبسنه

اقامتگاهی غیر معین خرسونک غلطه ریختمنده
تیازوجی رفانک انچه سنی سمرت ایدلکی ثابت اولد
یغندن اوج آی حبسنه

اداره مخصوصه نك کلکک واپورنده چرخچی
احمد افندی الیه طلومه رئیس عثمان افانك یدلرنده
اوتوز سکر کیلو بجاق توتون دردت اولدینی ثابت
اولدیفندن تقدیر ایدیلان بیک التیوز یکر می غروش
جزای نقدینک محصله

طوخانه ده سندالچلیق ایدن عثمانک فاطمه خانمی
ضرب ایدلکی و کندوسنک سابقه مکرره اصحابندن
بولندینی ثابت اولسنه مبنی رسنه مدته حبسنه
قوزغنجقده ساکن لئون الیه یورکی نك مضارب
ایدلکری ثابت اولدیفندن بر هفته حبسلریه

بلبانده ساکن مصطفانك حافظ فیهی بی جرح
ایدلکی ثابت اولدیفندن ایک آی حبسنه

قوزغنجقده ساکن داویدک پولیس قومیسری
قدری و کریم افندیلره ایقای وظیفه حالده حقارت
ایدلکی ثابت اولدیفندن برلیرا جزای نقدی النسخه

علی وحسنی و عایشه نك مضارب ایدلکری ثابت
اولدیفندن حسنک اون کون و علی نك بر هفته
حبسلریه و عایشه دن برلیرا الهرق حسنیه و برلسنه

اسکدارده احسانیه ده ساکن راشد و مصطفانك
مضارب ایدلکری ثابت اولدیفندن بر هفته حبسلریه
اسکدارده طویفاده ساکن علی نك قومیسر
صالح افندی به اجرای وظیفه حالده حقارت ایدلکی
ثابت اولدیفندن برلیرا جزای نقدی اخذیه

قاضی کوبنده ساکن یوسفک علی ضرب ایدلکی
ثابت اولدیفندن برلیرا الهرق مضروب اعطاسنه

علی نك توتون قاچردینی ثابت اولدیفندن یتش
غروش جزای نقدی النسخه

اغوی جرح ایدلکی تبیین ایدن بک اوغلسنده
ساکن ادواردن برلیرا الهرق مضروب اعطاسنه
یورکینک اموال منقوله سنه ایراث خسار ایدلکی
مرتبه نیوته واصل اولان صاری یارده ساکن بالنجی
ابراهیمدن اون بش بشلک جزای نقدی اخذیه
عجله آره سنده سلاح انداخت ایدن آینه لی
چشمه ده ساکن داویددن بر بشلک جزای نقدی
آلنسنه

بیکده معین خدمتکار محمدک عارفی ضرب ایدلکی
ثابت اولدیفندن ایک التون الهرق مضروب اعطاسنه
درسمادت ، بک اوغلی و اسکدار بدایت محکمه لری
جزا داتر لرنجه قرار ویرلشدر .

اعلانات

الضرور استیناف محاکم عمومی

پلومرک یاردی قریه لی محمود اوغلی احمد و حنیفه
و محمود و درویش علینک معلوم المقدار حیوان واشپاسنک
غصبندن دولای مظنون بولنان قریه مزبورلی
بورینک اوغلی طورسون الیه عموجه زاده سی موسی
اوغلی خضر و حسو بومونک اوغلی علینک ارزنجان
سنجانجی بدایت محکمه سی جزا داتر سنده محاکمه لری
و کندورلینک حال فرارده بولندق قری اولباده کی
اوراق تحقیقه مندرجانسندن اکلانشلمش اولغه
مرقومونک دردتیه محکمه مزبورده توقیفخانه سنه
تسلیم ایدلری لازم کله چکی بالجله ضابطه عدلیه
مأمورلرینک معلومی اولمق اوزره اشبو اخذ و گرفت
مذکره سی ادرموم هیئت اتهامیه سندن بالتظلم
قلندی .

حیوانات غصب ایلرندن دولای مظنون بولنان
طاغیک قریه لی قالدکلان اوغلی تیمور وده و حسین
اوغللری خضر دری اوغلی اه و یردی و برادری
کلانی و حارس قریه لی شاورونک اوغلی خضر و یتیم
علی اوغلی احمد و علی جانی اوغلی محمد و تیمور اوغلی
علی و مرطوانیل اوغلی خضر نام اشخاصک ارزنجان
سنجانجی بدایت محکمه سی جزا داتر سنده محاکمه لری
اجرا قلنمق اوزره جنبایله اتهاملریه قرار ویرلش
و کندورلینک حال فرارده بولندق قری اوراق تحقیقه
مندرجانسنن اکلانشلمش اولغه مرقومونک هر زرده
کوریلورلر سه دردتیه محکمه مذکورده توقیفخانه سنه
تسلیم لری لازم کله چکی بالجله ضابطه عدلیه مأمور

لرینک معلومی اولمق اوزره اشبو اخذ و گرفت مذکره سی
ارضروم هیئت اتهامیه سندن بالتنظیم اعطا قلندی.

ترجانه دباب کومندن حسن اوغلی طورسونی
ضرب ایله وفاتسه سیبیت ویرمسندن دولای
مظنون علیه بولان شوالانی ابراهیمک ارزنجان
سینجانی بدایت محکمه سی جزا دائره سنده محاکمه سی
اجرا قلنمق اوزره جنایتله اتهامه قرار ویرلمش
و کندوسنک وادی فرارده بولندینی اوراق تحقیقیه
مندرجاتندن اکلاشلمش اولمقله مرقومک هرزده
کوریلورایسه دردستیه محکمه مذکوره توقیفخانه سینه
تسلیم ایدلمی لازم کله جکی بالجله ضابطه عدلیه
مأمور لرینک معلومی اولمق اوزره اشبو اخذ و گرفت
مذکره سی ارضروم هیئت اتهامیه سندن بالتنظیم اعطا
قلندی.

خسک باغچه محله سی اهالی سندن اسعد افا زاده
احمد افانک اشیا و سائر سی اخذ و سرقت الیمسندن طولانی
مظنون علیه بولان ممت کومی اهالی سندن حسین
اوغلی مصطفانک ارضروم ولایتی استیناف محکمه سی
جزا دائره سنده محاکمه سی اجرا قلنمق اوزره
جنایتله اتهامه قرار ویرلمش و کندوسنک حال
فرارده بولندینی اوراق تحقیقیه مندراجندن
اکلاشلمش اولمقله مرقومک هرزده کوریلورایسه
دردستیه محکمه مذکوره توقیفخانه سینه تسلیم ایدلمی
لازم کله جکی بالجله ضابطه عدلیه مأمور لرینک
معلومی اولمق اوزره اشبو اخذ و گرفت مذکره سی
ارضروم هیئت اتهامیه سندن بالتنظیم اعطا قلندی.

ایکنجی تجارت محکمه سنده :

غلطه ده تراموای یولنده خراجچی زقاغنده
ساکن ایکن ایکنجی محکمه تجارتندن افلا سینه حکم
اولنش اولان چوقه تجارتندن قسطنطین لوغاریدیسک
ذمتده اله جفنی اثبات ویا موقتاً قبول و قید استیادیرمش
اولان اله جقلولرک قانوننامه تجارتک ۲۱۱ نجی و آتی
ولی ایدن ماده سی موجبجه مفلس طرفندن تکلیف
اولنه جق قوتشورداتونک مذاکره سی ایچون
[۱۶ حزران سنه ۱۳۲۱] پنجشنبه کونی محکمه مذکوره
نک مصالح افلاسیه رؤیتنه مخصوص اوطنه سنه کلری
اعلان اولنور.

اعلامات نظامیه اجرا دائره سنده :

امینه خانمک کورجی احمد افا ذمتده محکوم به
اله جفی اولان مبالغه مقابل مرهون و فروختی محکوم
بولان سلطان احمد جوارنده نخلبند محله سنده شفا

حمای جاده سنده واقع تخمیناً یتش اوج آرشون
عرصه اوزرینه مبنی درت قانندن عبارت درت اوطنه
و برصوفه و بر مطبخ و بر قیوی حاوی مکرر یکر می بر
نومرولی بر باب اخشاب خانه نک تمامی بالمزایده
عثمانی لیراسی یوز غروش حسابیه اون بشبیک
بشپوز غروشده طالبی عهده سنده تقرر ایدرک موقه
قرارداده سی کشیده قلنمش اولدیغندن سالف الذکر
خانه یه یوزده بش ضم ایله طالب اولانلرک تاریخ
اعلانندن اعتباراً اوتوز برکون ظرفنده بی ایچ لریله
برابر در سعادت اعلامات نظامیه اجرا دائره سینه
مراجعت ایملری و تاریخ مذکور انقضاسندن صکره
ضم قبول اولنیه جفی اعلان اولنور.

متوفی حسین افانک حال حیاتنده حاجی رجب افا
ذمتده اولان لاجفیک تأمین استیفاسی ایچون مدیون
مرقومک املاک کنی حیز آلتیه الیدرینی صره دهمد بونک
ضرر و زیانه مقابل ارانه ایله یکی کفیلی باقرجی یانی
ولد نیقولینک دخی عهده سنده بولان اقسرایده چاقر
اغا محله سنده داود پاشا اسکله سی جاده سنده سکر
نومرولو بر باب باقرجی دکانی در سعادت مقاولات
محرر لکی معرفتیه حیز آلتیه الیدریش ایسه ده اخیراً
کفیل مرقومک داین حسین افا ورثه سی احمد ایله
مدیون رجب افا لعلیه حیزک فکی حقنده اقامه
ایله یکی دعوی اوزرینه حیز مذکورک فکی در سعادت
بدایت محکمه سی برنجی حقوق دائره سینه قرار آلتیه
الیدریش و مرقومان احمد ایله رجب افانک غیبوییتی
جهتیه اعلام مذکور صورت مصدقه سی علی الاصول
اعلان صورتیه تبلیغ ایدلمش و مرقومانک ایسه الان
غیبویت استیکلری اکلاشلمش اولدیغندن اجرا
قانوننک یکر می طقوزنجی ماده سی موجبجه طقسان
برکونه قدر اثبات وجود الیدر لکی حالد مرقوم
یانی طرفندن وقوع بوله جق مطالبات قانونیه نک
ایقاسیه حکم اعلامک اجراسی جهتیه کیدیه جکی
در سعادت اعلامات نظامیه اجرا دائره سندن اعلان
اولنور.

اسکله بدایت محکمه سی اجرا دائره سنده :

چشم آهو خانمک متوقه شوق دل خانم ورثه سندن
عزیز بک ایله کریمه لری عایشه و خدیجه و نانیه خانملر
ذمتلرند جهت کفالتندن اله جفی بولان مباغک
تأمین استیفاسی ضمتنده ذاتاً محجوز اولوب
مورنری بوشناق زاده محمد پاشا حلیله سی شوق دل
خانمندن ارثاً انتقال ایدن قیسیقلی قریه سنده تکیه لی
قیا زقاغنده بروایکی نومرولی دروننده خراب بر باب

کوشک و مع صالمق بر آخور و بر قطعه ترلا و قیالق چابر
ودرت قیو و اشجار مشمره و غیر مشمره بی حاوی یوز
طقسان درتیک ذراع بر قطعه باغ محلی عند المزایده
لیرا یوز غروش حسابیه اون بشبیک غروشده
دایه عهده سنده تقرر ایدرک تاریخ اعلانندن اعتباراً
بر ماه ختامنده قرار قطعیه سی ویرله جکی جهتیه
یوزده بش ضمیه زیاده یه طالب اولانلرک مدت
مذکوره ظرفنده اسکدار بدایت محکمه سی اجرا
دائره سینه مراجعت ایملری اعلان اولنور.

اذینیه قضاسی بدایت محکمه سی اجرا دائره سنده :

پیرامیچ قصبه سنک جامع کبیر محله سندن حلواجی
سلیمان اوسته نک چاملیجه قریه سندن شیش دوداق
علی ذمتده با اعلام محکوم به الاجنی ایله مصارف
محاکمه مجموعی اولان ایکی بیک آلتیوز الی بر غروش
اون پاره نک تأمین استیفاسی ضمتنده حیز آلتیه آلتیه
اولان مذکور چاملیجه قریه سی حدودنده مزارلق
موقعنده شمالاً صالح اوغلی حسن تر لاسی، غرباً
کلیا اوغلی حسین بلاموطانی، شرقاً قزبل قریه
دره سی، جنوباً قلعه سلطانیه لی صلومون املاکی
ایله محدود تخمیناً اوتوز دونم بر قطعه بلاموطانی
اوجبیک غروشده اذینیه قصبه سندن می زاده احمد
افندی عهده سنده تقرر ایدرک ۳۱ مایس سنه ۱۳۲۱
تاریخنده قراردادده سی کشیده ایدلیدکندن تاریخ اعلانندن
اعتباراً اوتوز برکون ظرفنده یوزده بش ضمیه طالب
اولانلرک اذینیه قضاسی بدایت محکمه سی اجرا
دائره سینه مراجعت ایملری اعلان اولنور.

پیرامیچ قصبه سنده مقیم چاوشلیلی حاجی حسنک
چفتلک قریه سندن خادمی زاده علی بک بن ابراهیم
بک ذمتده با اعلام محکوم به اله جفی ایله مصارف
محاکمه نک تأمین استیفاسی ضمتنده مدیون مرقومک
متصرف اولدینی مذکور چفتلک قریه سنک اوزون
چنار نام دیگر کرکر موقعنده اطراف اربعه سی
ملا ابراهیم اوغلی عثمان املاکی و جای و طرفینی یول
ایله محدود یکر می دونم عتیق، یدی دونم سکر اولک
سکسان الی آرشون جدید بر قطعه تر لاسنک حیز
آلتیه اندیغندن تاریخ اعلانندن اعتباراً اون بش کون
صکره بالمزایده فروخته تشبث اولنیه جفی اذینیه
قضاسی بدایت محکمه سی اجرا دائره سندن اعلان
اولنور.